



Broj: 02-50-1-16-45/10

Sarajevo, 19. 4. 2010.

ZAPISNIK

45. sjednice Doma naroda

Parlamentarne skupštine Bosne i Hercegovine, održane 19. 4. 2010. godine

Sjednica je počela u 11,15 sati.

Sjednicom je predsjedavao Sulejman Tihić, predsjedavajući Doma naroda Parlamentarne skupštine BiH.

Sjednici je prisustvovalo 15 delegata.

Osim delegata, na sjednici Doma naroda bili su predstavnici: Vijeća ministara BiH, međunarodnih organizacija te sredstava javnog informiranja.

Dom naroda jednoglasno je usvojio sljedeći

DNEVNI RED

1. Prijedlog zakona o izmjenama i dopunama Izbornog zakona Bosne i Hercegovine (drugo čitanje), predlagači: delegati Dušanka Majkić, Ilija Filipović i Hazim Rančić;
2. Davanje saglasnosti za ratifikaciju Sporazuma o zajmu (Projekat poboljšanja uslova na selu) između Bosne i Hercegovine i Međunarodnog fonda za poljoprivredni razvoj.

Ad. 1. Prijedlog zakona o izmjenama i dopunama Izbornog zakona Bosne i Hercegovine (drugo čitanje), predlagači: delegati Dušanka Majkić, Ilija Filipović i Hazim Rančić;

Predsjedavajući Doma naroda otvorio je raspravu o ovoj tački dnevnog reda. U raspravi su učestvovali: Ivo Miro Jović, Božo Ljubić i Hazim Rančić

Dom naroda s četrnaest glasova „za“ i jednim glasom „protiv“ usvojio je Zakon o izmjenama i dopunama Izbornog zakona Bosne i Hercegovine čiji su predlagači: delegati Dušanka Majkić, Ilija Filipović i Hazim Rančić sa osam sljedećih amandmana;

Amandman I.

Član 32., koji glasi: „U članu 16.14. u stavu 5. riječi: „30 minuta“ zamjenjuju se riječima: 60 minuta.“ briše se.

Amandman II.

Član 33., koji glasi: „U članu 16.15. u stavu 1. riječi: „u trajanju od najviše 60 minuta sedmično“ brišu se.

Amandman III.

U članu 12. Prijedloga zakona stav 1. koji se odnosi na izmjenu stava 3. u članu 2.19 Zakona briše se.

Amandman IV.

U članu 13. Prijedloga zakona stav 2. koji se odnosi na uvođenje novog stava 10. u članu 3.15 Zakona briše se.

Amandman V.

U članu 35. Prijedloga zakona, u prvom stavu, iza riječi: „... i javnim površinama“ dodaju se riječi: „osim na mjestima predviđenim za plakatiranje i oglašavanje“.

Amandman VI.

U članu 10. Prijedloga zakona o izmjenama i dopunama Izbornog zakona Bosne i Hercegovine dodaje se novi stav 2. koji glasi:

„2. U istom članu i u istom stavu dodaje se nova rečenica koja glasi:

„Sastav izborne komisije će, u pravilu, odražavati ravnopravnu zastupljenost spolova.“

Amandman VII.

U članu 27. Prijedloga zakona o izmjenama i dopunama Izbornog zakona Bosne i Hercegovine dodaje se novi stav 1. koji glasi:

„1. U članu 7.2 u istom stavu dodaje se nova rečenica koja glasi:

„Centralna izborna komisija zabranit će isticanje, štampanje i rasturanje oglasa, plakata, postera i drugih materijala, koji se koriste u svrhu izborne kampanje političkih stranaka, koalicija, listi nezavisnih kandidata ili nezavisnih kandidata, na kojima se žene ili muškarci predstavljaju na stereotipan i uvredljiv ili ponižavajući način i naložiti političkoj stranci, koaliciji, listi nezavisnih

kandidata ili nezavisnom kandidatu da postavljene materijale ukloni. Odluka Centralne izborne komisije je konačna u upravnom postupku, ali se protiv nje može pokrenuti upravni spor.“.

Amandman VIII.

U članu 32. Prijedloga zakona o izmjenama i dopunama Izbornog zakona Bosne i Hercegovine dodaje se novi stav 1. koji glasi:

„U članu 16.14 u stavu 3. dodaje se nova rečenica koja glasi:

„Zabranjeno je vođenje izborne kampanje putem elektronskih i printanih medija koja je stereotipnog i uvredljivog sadržaja u odnosu na muškarce i/ili žene ili koja podstiče stereotipno i uvredljivo ponašanje na osnovu spola ili ponižavajući odnos prema pripadnicima različitih spolova.“

Dosadašnji stav 1. člana 32. Prijedloga zakona o izmjenama i dopunama Izbornog zakona Bosne i Hercegovine postaje stav 2.

Ad.2. Davanje saglasnosti za ratifikaciju Sporazuma o zajmu (Projekat poboljšanja uslova na selu) između Bosne i Hercegovine i Međunarodnog fonda za poljoprivredni razvoj

Predsjedavajući Doma naroda otvorio je raspravu o ovim tačkama dnevnog reda. Nije bilo delegata prijavljenih za raspravu.

Dom naroda jednoglasno je dao saglasnost za ratifikaciju Sporazuma o zajmu (Projekat poboljšanja uslova na selu) između Bosne i Hercegovine i Međunarodnog fonda za poljoprivredni razvoj.

Sjednica je završena u 15,20 sati.

Sastavni dio ovog zapisnika je neautorizirani transkript 45. sjednice Doma naroda.

SEKRETAR
DOMA NARODA
Marin Vukoja, s.r

PREDSJEDAVAJUĆI
DOMA NARODA
Sulejman Tihić, s.r.